

Mostra

Garden of Eden – Maylis Paris y Lauréane Guerin

Vernissage: 13.09.2024 dala 20:00 tl self dla mostres dla Lia Mostra d’Ert

Dureda dla mostra: 14.09 - 04.10.2024

Orar de giaurida:

merdi – venderdi: 16:00-19:00

sada y dumënia: 10:00-12:00 y 16:00-19:00

Maylis Paris y Lauréane Guerin, doi artistes visives y bele giut cumpanies, ti va deberieda permez ala tematica emblematica dl Verzon de Eden.

Tramedoves à studià l corp dla persona te si stude y si pruspatives estetiches ie deventedes plu riches tres si amor per l culëur y per materiai. Deberieda fejeles udëi si vijion y vocazion. Scebën che si rujenedes ie defrëntes, nasc si pascion dala medema sostanza. Chësta mostra, Garden of Eden, ie n svilup dla tematica dl'età dl or, canche, aldò de truepa tradizions antiches, ëi y ëiles vivova te n bel verzon n armunia cun la natura.

La scena de chësta belëza de urigin divina merita de unì glorificheda. L nasc na crissa for nueva de belëza y armunia y te nosc dedite sentions mo giut si eco. Doi artistes cun la pascion de ti cialé ala belëza dla natura nes porta te n mond de balanz y pesc.

Maylis Paris ie na zipladëura che vif y lëura tla Francia, daujin a Tours.

La à na furmazion de bëns culturei y design y lëura te tramedoi ciamps. Canche la ne lëura nia dala restaurazion dl patrimonie franzëus, da proiec coche l tèt dla Catedrela de Notre-Dame o l Ciastel de Versailles, se cunzentrea Maylis sun si proiec. La lëura sun la reprejentazion figurativa y à nce fat truepa opres cun sogec religëusc. Chël che mpresciunea de si lëur ie i elemënc grovesc deberieda ai elemënc delicac, che ti permët de pië ite l'essënza dl soget cun puech colps dl scarpel o dl penel.

Lauréane Guerin à fat l diplom dla scola Beaux-arts de Grenoble y depënj y zipla na natura feminila. Si dessënies spidlea l caos dla vita sun la tiëra, supli te uni ëila. La dessënia i sënies lascei dal vënt tla pleges y si ciofs à la forma de fruc defendui. La storia conta che l mond nasc da na figa y nia da n mèil: l ie te chësc cajo che Lauréane trasfurmea la pascion cristiana ti fruc dla pascion. Si fersceri à na sëur sensuela. La ossession per la reprejentazion dl corp à purtà l'artista a svilupé na pitura mujela che trasfurmea la pel tl picia uriginel.



CIRCOLO LIA MOSTRA D'ERT - URTIJËI
KREIS FÜR KUNST UND KULTUR - ST.ULRICH
CIRCOLO ARTISTICO E CULTURALE - ORTISEI

Plaza S. Antone 102

I - 39046 Urtijëi (BZ)

[http:// www.circolo.org](http://www.circolo.org)

info@circolo.eu

tel. +39 377-5936350